



Inatsisartuni ilaasortaq Per Berthelsen
Inatsisartut Allattoqarfiat
/ Maani

§ 36 apeqqummut akissuteqaat – apeqqut 2009 - 138

30. november 2009
Sagsnr.:2009-022643.
Dok. Nr.

Inatsisartuni ilaasortaq Per Berthelsen (Siumut) 12. november 2009 § 36 apeqquteqaammik Naalakkersuisunut ingerlatitsivoq Inatsisartuni Illuut A/S pillugu oqalittoqarneranut atatillugu. Aperisup apeqquteqaatimigut paaserusuppa akineqarusullunilu Naalakkersuisuni ilaasortat arlaat Illuut A/S pillugu eqqortumik oqalunnersoq.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@gh.gl
www.nanoq.gl

Akissuteqaammut matumunnga atatillugu tusarniarneqarsimapput Aningaasaqarnermut Naalakkersuisoqarfik kiisalu Ineqarnermut, Attaveqarnermut Angallanermullu Naalakkersuisoqarfik.

Aallaqqaasiullugu erseqqissaatigineqassaaq Naalakkersuisuni ilaasortat pisussaaffeqarmata Inatsisartuni suliat ingerlanneqarnerinut atatillugu paasissutissanik eqqortunik saqqummiussisussaataitaallutik aammalu suliap ingerlanneqarnerani paasissutissanik Inatsisartut aalajangiussaqaarnissaannut pingaaruteqarsinnaasunik nipangiussisussaataaangimmata. Taamaaliortussaataitaaneq Inatsisartut inatsisaat Naalakkersuisuni ilaasortat akisussaanerat pillugu aalajangersakkani § 6, immikk. 2-mi allassimavoq. Naalakkersuisut isumaqarluinnarput Naalakkersuisuni ilaasortat arlaannaataluunniit suliamut uunga tunngatillugu inatsit taanna unioqqutissimangikkaat.

Apeqquteqartoq allallu paatsuungassuteqaqnginniassammata Naalakkersuisut sinnerlugit Illuut A/S-imut tunngatillugu pissutsit kiisalu Kalaallit Nunaanni sanaartornissanut tunngatillugu Naalakkersuisut Kommuninut KANUKOKA-mullu saqqummiussimasaat erseqqissaatigineqassapput.

Ineqarnermut, Attaveqarnermut Angallanermullu Naalakkersuisup Inatsisartuni ilaasortaq Hans Enoksen akissuteqarfigigamiuk ima allappoq:

"Kommunini ataasiakkaani borgmesteriusullu isumaqatigiissutigineqarpoq Illuut A/S illoqarfinni realkredit aqqutigalugu attartorfiusinnaasuni atorneqarsinnaassasoq. Tassa Qaqortumi, Nuummi, Sisimiuni Ilulissanilu."

Ineqarnermut, Attaveqarnermut Angallanermullu Naalakkersuisoq kommunillu siisamaasut borgmesterii kiisalu KANUKOKA-meersut atorfilittat 23. september 2009 Kalaallit Nunaanni sanaartornissat pillugit ataatsimeeqatigippat.

Ataatsimiinnermi tassani aktiaateqarluni ingerlatseqatigiiffissaq "Illuut A/S" nassuiaatigineqarpoq. Soorunalimi tamanna oqallisigineqangaatsiarpoq, pingaartumik realkredit

peqatigiiffiit illoqarfinni allani, illoqarfiit anginerit sisamat avataanniittut, atorneqarsinnaanerat eqqartorneqarluni.

Naalackersuisut ataatsimiinnermit taaneqartumit paasinninneraat pineqartup oqallisigineqarnerata inernerigaa Illuut A/S-p pilersinneqarnissaa isumassarsiatsialaasoq aamalu inissarsiorluni utaqqisorpassuit sumiiffinni pisariaqartitsiviunerpaasuni iliuuseqarfigineqarnissaattaq pitsaasuussasoq. Aammattaaq Naalackersuisut tulliani ataatsimiinnerminni eqqartussagaat illoqarfinni Nuup avataaniittuni sanaartornerup qanoq iliorluni ingerlanneqarsinnaanera siunnersuusiortfigissagaat. Taamaalilluni isumaqatigiissutigineqartoq suliap pineqartup ingerlateqqinneqarnissaa.

Taamaattumik Naalackersuisuni ilaasortat assigiinngitsut akissuteqarnerminni paasissutissat isummallu saqqummiussugaat imminnut assortuutinngillat.

Inussiarnersumik inuulluaqqusilluta

Kuupik Kleist